




Հայկական գիտահետազոտական հանգույց
Armenian Research & Academic Repository



Մույն աշխատանքն արտոնագրված է «Մտեղծագործական համայնքներ
ոչ առևտրային իրավասություն 3.0» արտոնագրով

This work is licensed under a Creative Commons Attribution-NonCommercial
3.0 Unported (CC BY-NC 3.0) license.

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

7568

ԿԱՆՈՆԱԳԻՐ

ՍՕՅԻԱԼ ԴԷՄՕԿՐԱՏ ՀՆՁԱԿԵԱՆ

ԿՈՒՍԱԿՑՈՒԹԵԱՆ

ԱՄԵՐԻԿԱՅԻ ՇՐՋԱՆԻՆ ՀԱՄԱՐ



ՎԵՐԱՔՆՆՈՒԱԾ 37-րդ ՊԱՏԳ ԺՈՂՈՎԷՆ

Տ Պ Ա Ր Ա Ն

« Ե Ր Ի Տ Ա Ս Ա Ր Դ - Հ Ա Յ Ա Ս »

Շ Ի Ք Ա Կ ԷՐ


1922

329.14
U-78

ԿԱՆՈՆԱԳԻՐ

329.14
Ա-78

ՍՕՑԻԱԼ ԴԷՄՕԿՐԱՏ ՀՆՁԱԿԵԱՆ
ԿՈՒՍԱԿՑՈՒԹԵԱՆ
ԱՄԵՐԻԿԱՅԻ ՇՐՋԱՆԻՆ ՀԱՄԱՐ



(Վերաբնակում 37-րդ Պատգմ. Ժողովին)

Տ Պ Ա Ր Ա Ն

«ԵՐԻՏԱՍԱՐԴ ՀԱՅԱՍՏԱՆ»-Ի

Շ Ի Բ ա կ օ

1922

Բ 2001

2010

56 111 - ահ



1340.70

Կ Ա Ն Ո Ն Ա Գ Ի Ր

ՍՕՑԻԱԼ ԴԷՄՕԿՐԱՏ ՀՆՁԱԿԵԱՆ ԿՈՒՍԱԿ-
ՑՈՒԹԵԱՆ ԱՄԵՐԻԿԱՅԻ ՇՐՋԱՆԻՆ

—[***(Լ)Ձ**]—

ԱՆԴԱՄԱԿՑՈՒԹԵԱՆ ԵՒ ՊԱՐՏԱԿԱ-
ՆՈՒԹԵԱՆ ԲԱԺԻՆ

ՅՕԴ. 1.— Աճէն անոնք, (առանց սեռի, կրօնի եւ ազգի խտրութեան) որոնք 18 տա-
րին լրացուցած են եւ կընդունին Հնչակեան
Կուսակցութեան սկզբունքները եւ տակաւ-
կան կատարեալ համոզումով, կընդունուն
անդամ Սօցիալ Դէմօկրատ Հնչակեան Կու-
սակցութեան:

ՅՕԴ. 2.— Իւրաքանչիւր նորեկ անդամ,
(այր թէ կին) Մասնաճիւղի ընկերներու
մերկայութեան պարտաւոր է կատարել իր
երդումը:

«Կուխտեմ յանուն Հնկերային Յեղաթոխութեան, յանուն Համաշխարհային Պրօլետարիատի յաղթանակի համար աշխատող եւ մեռնող կերոսներուն, հաւատարիմ գինւորը մնալ Սօցիալ Դեմօկրատ Հնչակեան Կուսակցութեան եւ անոր որդեգրած Ծրագրին իրականացման համար տրամադրել իմ Ֆիզիքական, մտնւորական եւ բարոյական բոլոր ոյժերս»:

(Երգման գործողութիւնը կատարուելէ վերջ, նորեկ անդամը կ'ստորագրէ երգմանագրի երկու պատճէն, որոնցմէ մին կը մընայ Մասնաճիւղի մօտ: միւսը, կը զրկուի կեղծ. Վարիչ Մարմնին):

ՅՕԴ. 3.— Իւրաքանչիւր անգամ պարտաւոր է իբր մուտք երկու տօլար կամ աւելի վճարել եւ այնուհետեւ մէկ տօլար գինւորական տուրք: Կիներ եւ Օրիորդներ՝ 50 սէնթ մուտք եւ 10 սէնթ ամսնվճար վճարելու են:

ՅՕԴ. 4.— Իւրաքանչիւր նորեկ անգամ պարտաւոր է Մասնաճիւղի անդամներէն երկու հոգի երաշխաւոր ներկայացնել, որոնց անունը կարճանագրուի պաշտօնական տօմարին մէջ, անպատեհութեանց պարագային՝ անոնցմէ հատուցում պահանջելու համար:

ՅՕԴ. 5.— Իւրաքանչիւր Սօցիալ Դեմօկրատ անգամ կէտ առ կէտ պարտաւոր է կատարել այն բոլոր պարտականութիւնները,

որոնք ընդգծուած են ներկայ Կանոնագրի մէջ:

ՅՕԴ. 6.— Իւրաքանչիւր անգամ պարտաւոր է անպատճառ ներկայ գտնուիլ Անդամական Ժողովներուն. հակառակ դէպքին՝ պարտաւոր է յաջորդ Ժողովին ներկայացնել իր բանաւոր պատճառները:

ՅՕԴ. 7.— Անգամ մը, Անդամական Ժողովին, իր առաջին բացակայութեան՝ կադրարարուի, երկրորդին՝ կը յանդիմանուի, իսկ երրորդին՝ կենթարկուի տուգանքի: Տուգանքի դատապարտուած ընկեր մը սիրայօժար կրելու է իր պատիժը, առանց Վերին Մարմինները մատնելու դատաստանի՝ կամ քննութեան աւելորդ աշխատանքներու:

ՅՕԴ. 8.— Անգաղտնապահ ընկեր մը, կը յանդիմանուի ընկերներու ներկայութեան եւ կը զրկուի իր բոլոր իրաւասութիւններէն երեք ամիս, կատարելով միանգամայն իր բոլոր պարտականութիւնները:

ՅՕԴ. 9.— Անգամ մը, որ առանց յարգելի պատճառներու (հիւանդութիւն, անգործութիւն, չխառութիւն), երեք ամիս չէ վճարած իր անդամավճարները, կը դադրի Մասնաճիւղի անդամակցութենէն:

ՅՕԴ. 10.— Այն ընկերը, որ Կուսակցութեան սկզբունքներուն եւ գծուած տակտիկային հակառակ կը գործէ եւ ուղղակի կամ անուղղակի միջոցներով պատճառ կը

դառնայ Կոստակցական մեխանիզմին խան-
գարման, Ընկերական Ատեանի կենթարկու-
ու յանցանքի ապացուցումէն վերջ՝ Կեդր.
Վարիչ Մարմնի վճիռովը կ'արտաքսուի
չըջարեւականով եւ թերթով:

ՅՕԴ. 11.— Ամէն Անդամի վրայ պարտք
կը դրուի՝ «Երիտասարդ Հայաստան»-ի
բաժանորդ գրուիլ:

ՅՕԴ. 12.— Իւրաքանչիւր Անդամ առանց
նայելու իր ունեցած կրթութեանը եւ զբա-
ղումին, պարտաւոր է տարածել Հնչակեան
գրականութիւնը իր ընկերներու եւ ծանօթ-
ներու շրջանակին մէջ:

— ՊԱՏԺԱԿԱՆ ՏՐԱՄԱԴՐՈՒԹԻՒՆՆԵՐ

ՅՕԴ. 13.— Ա. Յանդիմանութիւն, Բ.
Տուգանք, Գ. Պաշտօնադրկում, Դ. Կախա-
կայում, Ե. Արտաքսում, Զ. Հասարակա-
կան-ընկերական պոյֆօթ: (Պատիժը հա-
մեմատական կըլլայ գործուած յանցանքին
եւ զայն տնօրինողը կըլլայ պատկանեալ
Մարմինը: Ծանրակշիռ պատիժները կեն-
թարկուին Վ. Մարմնի հաւանութեանն ու
վճիռին:

ՄԱՍՆԱՃԻՒՂ Եւ ՎԱՐՉՈՒԹԻՒՆ

ՅՕԴ. 14.— Եօթը ընկերներէ եւ Հինգ

ընկերուհիներէ բաղկացած Մասնաճիւղ մը
օրինաւոր կը ճանչցուի: (Այն տեղերը՝
ուր վրեոյիչեալ թիւին կեսէն աւելին ներ-
կայացնող անդամներ կը պակսին, կը կոչ-
ուին Հնչակեան Խումբ, որ կը կապուին ի-
րենց մօտիկ Մասնաճիւղին հետ եւ անոր խո-
ղովակովը կ'ստանան պաշտօնական գրու-
թիւններ. կնիք կը յանձնուի անոնց միայն
այն ատեն, երբ ընդունուած պաշտօնական
թիւը կը լրացնեն՝ ղրկելով իրենց վիճակա-
ցոյցը):

ՅՕԴ. 15.— Իւրաքանչիւր Մասնաճիւղ
կընտրէ Վարչութիւն մը, բաղկացած 3-5
անդամներէ:

ՅՕԴ. 16.— Մասնաճիւղի Վարչութիւնը
անդամական ժողովներու քրոշումները եւ
անոր ընթացիկ գործերը լրիւ գործադրող
Մարմինն է, որը իր մէջէն կընտրէ Դիւանը:

ՅՕԴ. 17.— Մասնաճիւղի Վարչութեան
պաշտօնավարութիւնը կը տեւէ ՎԵՑ ամիս:
Այդ պաշտօնավարութեան շրջանէն վերջ,
Վարչութիւնը վերընտրելի կըլլայ, երբ ան-
դամական ժողովէն գնահատական քուէ կ'ստա-
նայ:

ՅՕԴ. 18.— Մասնաճիւղի Վարչութիւնը
պարտաւոր է Կոստակցական հարցեր չօչա-
փող բոլոր գրութիւնները ներկայացնել ան-
դամական ժողովին, առանց անգրադառ-
նալու անոնց վնասակար կամ օգտակար բը-
նոյթին:

307. 19.— Իւրաքանչիւր Մասնաճիւղ իր ներքին տեղական գործերը կարգադրելու ազատ իրաւունք ունի. բայց պիտի ըզգուշանայ կուսակցական ընդհանուր բնոյթ ունեցող գործերուն միջամուխ ըլլալէ: Այդ առթիւ նա կրնայ թելադրանքներ ընել, բայց ոչ պահանջ. պահանջները միմիայն Պատգմ. Ժողովի սեղանին վրայ կուգան:

307. 20.— Իւրաքանչիւր Մասնաճիւղ պարտաւոր է ամիսը ԵՐԿՈՒ անգամ անպատճառ Անդամական Ժողով դուրսարել: Ժողովներու օրերը նշանակուելու են կանոնաւորապէս եւ իր ատենին զրկուելու են «Երիտասարդ Հայաստան»-ի մէջ հրատարակուելու համար:

307. 21.— Իւրաքանչիւր Մասնաճիւղ ամէն տարի Յունվար Միկ-ին պէտք է Շրջ. Վարիչ Մարմնին ուղարկած ըլլայ իր վիճակագրութիւնը, անդամներու ցանկն ու հաշիւները:

ԱՆԴԱՄԱԿԱՆ ԺՈՂՈՎ

307. 22.— Անդամական Ժողովը Մասնաճիւղի մը մասնաճիւղային ընթացիկ օլար տաւորութեանց եւ իրաւասութեանց սահմանին հսկող Ժողովն է, որուն որոշումները չը գործադրող Վարչութիւնները բեկանելի են:

307. 23.— Ընկերուհիներ կարող են եւ եթէ կուզեն առանձին կը գումարեն իրենց Ժողովները՝ որպէս ուրոյն Մասնաճիւղ, եթէ օրինական թիւը կը լրացնեն, առաջնորդուելով սոյն կանոնագրութեամբ:

307. 24.— Անդամական Ժողովի բացումը կը կատարուի նախորդ Ժողովի արձանագրութիւնը կարգացուելով եւ վաւերացուելով: Վաւերացուած արձանագրութիւնները առանց փոփոխութեան՝ արձանագրուելու են մեկանով եւ կարելի եղածին չափ, մաքուր գրով արձանագրութեան տօմարին մէջ:

307. 25.— Անդամական Ժողովներու օրակարգը կը պատրաստէ Վարչութիւնը. սակայն Ժողովի ատեն անդամներն ալ հարցեր կրնան առաջարկել՝ նայած ընկերներու բուռին:

307. 26.— Մասնաճիւղ մը իրեն եկած կուսակցական բնոյթ ունեցող գրութիւնները ամբողջն ալ կունենայ Անդամական Ժողովի սեղանին վրայ. բայց ամբողջը կարգալ տալէն վերջ, նկատի կառնուին միայն այն գրութիւնները, որոնք տեղական Մասնաճիւղի ընթացիկ գործերուն կապուած են: Իսկ այն գրութիւնները, որոնք կը շօշափեն կուսակցական ներքին կամ արտաքին ընդհանուր խնդիրներ, Մասնաճիւղը պարտաւոր է անոնց ցանկը միայն առնել եւ գրութիւնները ուղարկել Շրջանի Վարիչ Մարմնին:

307. 27.— Վարչութիւնը պարտաւոր է պահել Անդամական Ժողովներու արձանագրութիւնը: Հինցած շրջաններու արձանագրութիւնները պէտք է ուղարկուին Շրջ. Վարիչ Մարմնին:

307. 28.— Մասնաճիւղեր ազատ են իրենց անդամական Ժողովներուն համար օրուան դիւան մը ընտրել, որը արձանագրութիւնը կազմելով կը յանձնէ Մասնաճիւղի Վարչութեան: Ամէն տարուայ արձանագրութեանց համար նոր տօմար գործածելու է, հին լեցուածները ղրկելով Վ. Մարմնին:

307. 29.— Մասնաճիւղի Վարչութեան Ատենապետը, Ատենադպիրը, Գանձապահը, Կնքապահը այն պաշտօնը ունին, ինչ որ ունին Շրջ. Վարիչ Մարմնի Ատենապետը, Ատենադպիրը, Գանձապահը և Կնքապահը:

ՄԱՍՆԱՃԻՒԴԵՐՈՒ ՊԱՐՏԱԿԱՆՈՒԹԻՒՆ

307. 30.— Իւրաքանչիւր Մասնաճիւղ, (արանց թէ կանանց) ուրիշ քաղաք մը փոխադրուող իր մէկ ընկերոջ պէտք է յանձնէ յանձնարարագիր վկայական մը, որը իր կարգին կը ներդաշայցնէ իր նոր գացած տեղի Մասնաճիւղին: Առանց այդ յանձնարարագիր-վկայականին, Մասնաճիւղ մը իրեն անդամ նշանակելու իրաւունք չունի ուրիշ Մասնաճիւղէ մը եկող ու եւ է ընկեր, ինչ ալ որ ըլլայ անոր դերքն ու ներկայացուցած պայմանը:

307. 31.— Բողոք կը ներկայացուի Կուսակցութեան օրինական Մարմիններուն, որոնք հետեւեալներն են.— ա.— Մասնաճիւղի Վարչութիւն. բ.— Անդամական Ժողով. Գ.— Շրջանային Վարիչ Մարմին: Դ.— Ամերիկայի Շրջանի Ընդհ. Պատգ. Ժողով: Ե.— Կեդր. Վարչութիւն: Զ.— Ընդ. Պատգամաւորական Ժողով: Բողոքը եթէ կը վերաբերի կուսակցական խնդիրներու շուրջ, կը մնայ միայն կուսակցական օրինական սահմաններու մէջ. հակառակը վերաբերուիլ կը նշանակէ՝ կուսակցաւաւ ըլլալ:

307. 32.— Իւրաքանչիւր անդամ ըստ էութեան, իրաւունք ունի բողոքել թէ Վարչութեան եւ թէ Անդամական Ժողովի ապօրինի արարքներուն դէմ: Բայց նա այդ իրաւունքը չարաչար գործածելու չէ, խանգարելով կուսակցական տխրիքին: Բողոքարկու մը նկատելու է, որ իր բողոքը որքան ալ որ արդար ու օրինական ըլլայ, անպայման իր արտայայտութեան առաջին իրի առիթով գտնելու է իր գոհացումը: Բողոքարկուն կրնայ ղեգոհ մնալ եւ իր բողոքը արձանագրել տալով բաւականանալ:

307. 33.— Ու եւ է Հնչակեան ընկեր եւ Մասնաճիւղ, երբէք իրաւունք չունի բողոքել Ամերիկայի Պատգմ. Ժողովի որոշմանց եւ անկէ բղխող Շրջ. Վարիչ Մարմնի դէմ: Շրջ. Վարիչ Մարմինը իր պաշտօնավարութեան շրջանին անքննադատելի ու Բար-

ձըրագոյն միակ Մարմինն է Ամերիկայի Շրջանակին:

ՅՕԴ. 34.— Մասնաճիւղի մը Վարչութեան կամ պարզ անդամներէն մէկուն հրաժարման պարագային, գրաւոր հրաժարականը պէտք է քննուի Անդամական Ժողովին սէջ եւ իր կարգին տեղեկագրուի Շրջանի Վարիչ Մարմնոյն:

ՅՕԴ. 35.— Մասնաճիւղ մը եթէ նկատէ իր Վարչութեան ո եւ է մէկ զեղծումը, իրաւունք ունի իսկոյն հրաժարեցնել եւ ընտրել նորը, տեղեկագրելով Շրջ. Վարիչ Մ.ին:

ՅՕԴ. 36.— Իւրաքանչիւր Մասնաճիւղ պարտաւոր է իր նորեկ անդամներու մասին տեղեկագրել Շրջ. Վարիչ Մարմնին:

ՅՕԴ. 37.— Իւրաքանչիւր Մասնաճիւղ պարտաւոր է ընկերներէ հաւաքած զինուորական տուրքերը ու հանգանակած գումարը առանց յապաղման, ուղարկել Շրջ. Վ. Մարմնին, Մասնաճիւղին համար պահելով տեղական ծախսերու բաւոյ գումար մը:

ՅՕԴ. 38.— Մասնաճիւղեր պարտաւոր են իրենց գանձապահը նշանակել նիւթական օրինական երաշխաւորութեան տակ առնընդամէն վստահելի կարողութեան տէր ընկեր մը, ապագայի անախորժութիւններն արգելելու կանխահոգութեամբ: Գանձապահը ամէն ժողովի հաշիւ ներկայացնելու է:

ՅՕԴ. 39.— Իւրաքանչիւր Մասնաճիւղ պարտաւոր է ստանձնել «Ներտասարդ Հայաստան»-ի գործակալութիւնը, պահելով անոր առանձին հաշիւները:

ՅՕԴ. 40.— Մասնաճիւղեր եւ ընկերներ երբէք իրաւունք չունին հրատարակել թրուոյցիկներ եւ չըջարեալաններ. իսկ եթէ նեոկայանայ մի ինչ որ չը նախատեսուած անհրաժեշտութիւն, այդ պարագային անոնք երեք շաբաթ առաջ տեղեկագրելու են նախ Շրջ. Վարիչ Մարմնին ու ապա առնելու են այդ քայլը:

ՅՕԴ. 41.— Մասնաճիւղերը պարտաւոր են իրենց հրաւիրած ատենախօսներու օրինական ծախսերը հոգալ եւ այդ մասին տեղեկագրել Շրջանի Վարիչ Մարմնին:

ՅՕԴ. 42.— Մասնաճիւղ մը առանց Շրջ. Վ. Մարմնի գիտութեան եւ հաւանութեան իրաւունք չունի Կուսակցութեան սկզբունքային խնդիրներու նկատմամբ բանակցիլ ուրիշ Կուսակցութեանց պաշտօնական Մարմիններու հետ:

ՅՕԴ. 43.— Իւրաքանչիւր Մասնաճիւղ պարտաւոր է իր պատգամաւորին հետ իր մէկ տարուան բարոյական եւ նիւթական հաշուեկշիռը ղրկել Պատգմ. Ժողովին:

ՅՕԴ. 44.— Մասնաճիւղերը Շրջանային Պատգմ. Ժողովին ձայն ունին հետեւեալ

Համեմատութեամբ, 7-30՝ մէկ ձայն. 31-50՝ երկու ձայն ու անկէ վերջ, իւրաքանչիւր 50-ի մէկ ձայն. (51՝ երեք ձայն, 101՝ չորս ձայն) :

ՅՕԴ. 45.— Առանց Պաշտօնական անձերու եւ Մարմիններու ստացագրին՝ եղած բոլոր գրամական գործերն ու հաշիւները անվաւեր են :

ՅՕԴ. 46.— Մասնաճիւղ մը իր մէկ տարուան նիւթական եւ բարոյական պարտականութեանց մէջ ամբողջապէս թերացած է, այսինքն՝ ո՛չ Շրջ. Վ. Մարմնի հետ յարաբերութիւն պահած, ոչ ալ գինուորական տուրքի կուսակցական պիւտճէի մասին մըտածած է, Պատգմ. Ժողովն մէջ ձայն ունենալէ կը զրկուի՝ առանց երկար պատճառաբանութիւնները քննելու: Շրջ. Վարիչ Մարմինը, Պատգմ. Ժողովէն ամէս մը առաջ, հրաւեր-չրջարեւրականի հետ այսպիսի Մասնաճիւղի մը ղրկելու է իր վերջին պաշտօնական ծանուցագիրը, որուն գրականապէս պատասխանուելու է Պատգմ. Ժողովէն առաջ: Իսկ այն Մասնաճիւղը, որ մասամբ թերացած է իր պարտականութեանց մէջ եւ կամ ամբողջապէս թերանալէ վերջ, Պատգամաւորական Ժողովին մէջ իր պատգամաւորի միջոցաւ կը կատարէ իր պարտքերը ներկայացնելով իր պատճառաբանութիւնները, որ կենթարկուի Պատգմ. Ժողովի քննութեան: Պատգմ. Ժողովը եթէ բանա-

ւոր գտնէ պատճառաբանութիւնները՝ պատգամաւորը կընուի. հակառակ պարագային՝ դուրս կը հանուի, նոյն Մասնաճիւղը լուծուած հռչակող անմիջական յայտարարութեամբ մը:

ՅՕԴ. 47.— Լուծուած Մասնաճիւղերու դոյքերը կը մնան վստահելի ընկերներու քով, իբրեւ Ս. Դ. Հնչակեան Խմբի, եթէ կեդր. Վարիչ Մարմինը յարմար կը դատէ:

ՊԱՏԳԱՄԱՒՈՐԱԿԱՆ ԺՈՂՈՎ

ՅՕԴ. 48.— Պատգամաւորական Ժողովը Ամերիկայի Շրջանի Օրէնսդրական Բարձրագոյն Մարմինն է, որը տարին անգամ մը կը գումարուի, Մասնաճիւղերու եւ Շրջանի վերաբերեալ բոլոր հարցերով զբաղելու համար:

ՅՕԴ. 49.— Պատգմ. Ժողովը կը գումարուի Ամերիկայի Շրջանի Հնչակեան Մասնաճիւղերու ընտրած պատգամաւորներէն, ինչպէս եւ Շրջ. Վարիչ Մարմնի գիւնէն:

ՅՕԴ. 50.— Պատգմ. Ժողովը օրինաւոր կը համարուի, երբ հրաւիրուած Մասնաճիւղերու մեծամասնութիւնը ներկայ է, ինչպէս եւ ձայներու մեծամասնութիւնը:

307. 51.— Պատգամ. Ժողովի որոշումները պարտադրիչ են Ամերիկայի Շրջանի Հնչակեան բոլոր Մասնաճիւղերուն եւ ընկերներուն համար: Անմիջապէս կը լուծուի այն Մասնաճիւղը եւ կ'արտաքսուի այն ընկերը, որ Պատգամ. Ժողովի որոշումները չի ընդունիր եւ անոնց դէմ կարտայայտուի: Ամերիկայի Շրջանի Պատգամ. Ժողովը ուրիշ Շրջաններու վերաբերեալ կուսակցական ընդհանուր խնդիրներ չի կրնար վճռել: Իսկ տեղական խնդիրներուն մէջ, անոր օրէնքադրական իրաւասութեան սահմաններէն դուրս կը մնան ամէն կարգի սեղմումի փորձերը:

307. 52.— Պատգամ. Ժողովի հրաւիրողը Շրջ. Վարիչ Մարմինն է, որը պարտաւոր է Պատգամ. Ժողովի գումարման տեղն ու ժամանակը մէկ ամիս առաջ հաղորդել Մասնաճիւղերուն, ուղարկելով անոնց նաեւ Ժողովի օրակարգը, որուն վրայ Մասնաճիւղերը կարող են աւելցնել իրենց կողմէ յարմար նկատուած ուրիշ հարցեր, նախապէս յայտնելով նաեւ իրենց մասնակցութիւնը:

307. 53.— Արտակարգ Պատգամ. Ժողով կը գումարուի՝ երբ Շրջ. Վ. Մարմինը անհրաժեշտ տեսնէ եւ ստանայ կանխաւ Մասնաճիւղերու մեծամասնութեան հաւանութիւնը:

307. 54.— Իւրաքանչիւր պատգամաւոր

պէտք է, որ Մասնաճիւղի մը անդամակցած լինի:

307. 55.— Իւրաքանչիւր պատգամաւոր պարտաւոր է անպատճառ, առնուազն մէկ տարի անդամակցած լինի Ս. Դ. Հնչակեան Կուսակցութեան: Բացի այն Մասնաճիւղերէն, որոնց կազմութիւնը վեց ամիս է:

307. 56.— Մասնաճիւղ մը բացի իր անդամէն, կրնայ պատգամաւոր ընտրել հեռաւոր մէկ ընկերոջ, նիւթական կամ այլ հանգամանքներու պատճառով:

307. 57.— Իւրաքանչիւր պատգամաւոր պարտաւոր է իր Մասնաճիւղի կնիքովը կնքուած ու դիւանի ստորագրութեամբը յանձնարարական մը ունենալ: Պատգամաւորները պիտի ընտրուին Անդամական Ժողովէն:

307. 58.— Պատգամաւոր մը Պատգամ. Ժողովին երկու ձայնէն աւելի չի կարող ներկայացնել:

307. 59.— Պատգամ. Ժողովը կընտրէ իր պատգամաւորներէն դիւան մը, որուն պաշտօնավարութիւնը կը տեւէ մինչեւ նիստին վերջանալը եւ կրնայ վերընտրուիլ:

307. 60.— Պատգամ. Ժողովի դիւանը պարտաւոր է նիստերուն արձանագրութիւնը կազմել, բնագիրը ստորագրուած բոլոր



պատգամաւորներէն եւ կնքուած տեղւոյն Մասնաճիւղէն կը յանձնէ Շրջ. Վարիչ Մարմնին. իսկ պատճէնը, Շրջ. Վարիչ Մարմնի կնիքով վաւերացուած՝ պէտք է ղրկել Կուսակցութեան Կեդրոնական Վարչութեան՝ վաւերացուելու համար, որմէ յետոյ պէտք է ցրուել Մասնաճիւղերուն:

ՅՕԴ. 61.— Պատգմ. Ժողովի որոշումները կը տրուին քուէարկութեան յարաբերական դրութիւնով:

ՇՐՋԱՆԱՅԻՆ ՎԱՐԻՉ ՄԱՐՄԻՆ

ՅՕԴ. 62.— Պատգմ. Ժողովը կընտրէ Շրջ. Վարիչ Մարմին մը, բաղկացած հինգ անդամներէ. կընտրէ նաեւ հինգ թիկնածուներ՝ յաջորդական կարգով, որոնք իրաւունք կունենան Շրջ. Վարիչ Մարմնոյ անդամներուն հիւանդութեանց, հրաժարման եւ դժբախտութեանց պարագային յաջորդել անոնց տեղը:

ՅՕԴ. 63.— Շրջ. Վարիչ Մարմինը Ամերիկայի Շրջանի Ս. Դ. Հնչակեան Կուս. Պատգմ. Ժողովի որոշումները գործադրող Բարձրագոյն Գործ. Մարմինն է, որուն անդամները թէեւ կրնան Գործիչ ըլլալ, բայց չեն կարող ըլլալ Մասնաճիւղի Վարչութեան անդամ, ինչպէս նաեւ չեն կրնար ըլլալ Խմբագիր:

ՅՕԴ. 64.— Յանուն Ամերիկայի Ս. Դ. Հնչակեան Շրջանի եղած պաշտօնական բոլոր յարաբերութիւնները Հայ եւ Օտար Քաղաքական Կուսակցութեանց հետ, կը կատարուի Շրջ. Վարիչ Մարմնի միջոցով, նախօրօք Մասնաճիւղերու մեծամասնութեան հաւանութիւնը ստանալով՝ կենսական խնդիրներու նկատմամբ միայն:

ՅՕԴ. 65.— Շրջ. Վարիչ Մարմնի անդամները, անհատապէս եւ հաւաքաբար, պատասխանատու են Ամերիկայի Ս. Դ. Հնչակեան Պատգմ. Ժողովին, իրենց բոլոր գործունէութեանց համար:

ՅՕԴ. 66.— Շրջ. Վարիչ Մարմինը իր բոլոր որոշումները կուտայ վարչական Ժողովով:

ՅՕԴ. 67.— Շրջ. Վարիչ Մարմինը ինք կընտրէ իր մէջէն՝ Ատենապետ, Ատենադպիր, Գանձապահ, Հաշուակալ, Դիւանապետ եւ Կնքապահ: Ատենապետի պաշտօնն է՝

Ա.— Վարչական Ժողովներու հրաւիրել Կեդր. Վարիչ Մարմնի անդամները:

Բ.— Եղած բոլոր որոշումներու անթերի գործադրութեանը հսկել:

—Գ.— Ստորագրել իր անունը՝ եղած բոլոր պաշտօնական դրութիւններուն տակ, Ատենադպրին հետ:

Ատենադպրի պաշտօնն է՝

Ա.- Ժողովներու արձանագրութիւնը կազմել մասնաւոր տետրակի մը մէջ:

—Բ.- Թղթակցութիւն կատարել:

Գ.- Շրջ. վարիչ Մարմնի եկած բոլոր գրութիւնները ստանալ եւ պաշտօնակցի մը ներկայութեամբ բանալ:

Դ.- Ատենապետին հետ պաշտօնական գրութիւններու տակ ստորագրել:

—Կնքապահի պաշտօնն է՝

Պահպանել Շրջ. վարիչ Մարմնի կրէնքը եւ քննել պաշտօնական բոլոր գրութիւնները: Առանց կնիքի գրութիւն մը անպաշտօն կը համարուի:

Գանձապահի պաշտօնն է՝

Ա.- Շրջ. վարիչ Մարմնի անունով եկած բոլոր գրամները ստանալ՝ փոխարէն ստացագիր տալով:

Բ.- Շրջ. վարիչ Մարմնի ծախսերը հոգալ:

Գ.- Ելեւմտական կանոնաւոր հաշուետօմար ունենալ, իր ձեռքով եղած ծախսերուն եւ ղրկուած գրամներուն ընկալագրերը ներկայացնել Պատգմ. Ժողովին:

Դ.- Դրամական ամէն գործողութեանց տակ իր ստորագրութիւնը դնել:

— 21 —

Հաշուակալի պաշտօնն է՝

Ա.- Շրջ. վարիչ Մարմնի ստացած գումարները արձանագրել նախ քան գանձը մտնելը:

Բ.- Գնումներու եւ ծախսերու աղբիւրները ստուգել:

Գ.- «Երիտասարդ Հայաստան»-ի տը պարանէն ելած յայտարարութեանց ցանկը պահել, իրենց վճարման գներով: Թերթին վերջին էջին վրայ տպուած վճարուած ծանուցումներուն հսկել եւ պահել անոնց կըտրոնները կանոնաւոր կերպով:

Ե.- Դրօշմաթղթի հաշիւները ստուգել:

ՅՕԴ. 68.- Շրջ. վարիչ Մարմինը իր ամբողջ կազմով եւ կամ զիւանով (Ատենապետ, Ատենադպր, Գանձապահ), պարտաւոր է Պատգմ. Ժողովին ներկայանալու, եւ որպէս հաւաքական Մարմին, մէկ քուէի իրաւունք ունի:

ՅՕԴ. 69.- Շրջ. վարիչ Մարմինը պարտաւոր է ունենալ բոլոր Մասնաճիւղերու վարչութեանց անունները:

ՅՕԴ. 70.- Մասնաճիւղերը իրենց տարեկան անգամավճարներու եւ մուտքերու հասոյթին մէկ երրորդէն, իրենց տեղական ծախսերը հոգալէն յետոյ, 25 տօլարէն աւելին կը ղրկեն Շրջ. վարիչ Մարմնին՝ իր

ծախսերուն համար, ինչպէս եւ «Երիտա-
սարդ Հայաստան»-ի բաժնեգները եւ հա-
սոյթը ամբողջութեամբ:

ՅՕԴ. 71.- Շրջ. Վարիչ Մարմինը
պարտաւոր է Ամերիկայի Հնչակեան Շրջա-
նակին գանձը շարունակ ապագայ հաւանա-
կանութիւնները նախատեսելով՝ լեցուն պա-
հէ Շրջանի ընկերներու գինուորական տուր
քերով, «Երիտ. Հայաստան»-ի բաժնեգնե-
րով ու հատաւաճառներով, հանդէս-խըն-
ջոյքի հասոյթներով. իսկ կուսակցական
կան ծախսերը հոգալէ վերջ՝ մնացեալը
ընդհանուր հանգանակութիւններէն տե-
ղական ծախսերը հոգալէ վերջ, պարտա-
ւոր են մնացեալը ղրկել Կուս. Կեդր. Վար-
չութեան:

ՅՕԴ. 72.- Շրջ. Վարիչ Մարմինը,
իբր սկզբունք, իրաւունք չունի Մասնաճիւ-
ղերու ներքին գործերուն միջամտել, բաց
առեալ հետեւեալ պարագաներէ.

Ա.- Երբ Մասնաճիւղի մը ընթացքը կը
վտանգէ Կուսակցութեան սկզբունքները,
տակտիկան եւ կուսակցական շահերը:

Բ.- Երբ Մասնաճիւղը միջամտութիւն
կը խնդրէ:

Գ.- Երբ Մասնաճիւղի մեծամասնութիւ-
նը միջամտութիւն կը պահանջէ:

ՅՕԴ. 73.- Շրջ. Վարիչ Մարմինը նո-

րակազմ Մասնաճիւղերու կազմութիւնը ի
գիտութիւն կը յայտարարէ Մասնաճիւղե-
րուն եւ անոնց պաշտօնականութիւնը վա-
ւերացնելէ վերջ, կը տեղեկագրէ Կեդրոնա-
կան Վարչութեան: Վ. Մարմինը նոյն տը-
րամագրութեամբ կը վերաբերուի նաեւ,
լուծուած Մասնաճիւղերու նկատմամբ: Երբ
Մասնաճիւղ մը ընկերներու թուական ու-
րոշեալ քանակը երբ կը կորսնցնէ, կը լուծ-
ուի եւ կամ յանցանքի մը համար կը լուծուի
Վ. Մարմինը այդ իրողութիւնը ի գիտու-
թիւն Մասնաճիւղերուն կը յայտարարէ,
պատճառաբանութիւններն ու հիմունքները
ներկայացնելով Կեդր. Վարչութեան:

ՅՕԴ. 74.- Շրջ. Վարիչ Մարմինը պար-
տաւոր է ունենալ վիճակագրական տույն
մը, ուր արձանագրուած պէտք է ըլլայ Մաս-
նաճիւղերու անունները, անդամներուն թի-
ւը, անոնց անունները, տարիքը, պարագ-
մունքները (թէ անցեալ եւ թէ ներկայ),
ամուսնացած թէ՛ ամուրի, առողջ թէ՛
վաճառողջ եւ ո՞ր տեղացի լինելը:

ՅՕԴ. 75.- Շրջ. Վարիչ Մարմնոյ պաշ-
տօնավարութեան շրջանը կը տեւէ մինչեւ
յաջորդ Պատգմ. Ժողովը:

ՅՕԴ. 76.- Շրջ. Վ. Մարմնոյ պաշտօ-
նավարութեան ժամանակը դադարած կը հա-
մարուի, երբ իրեն փոխարինող նոր Մար-
մինը մէջտեղ կուգայ:

ՅՕԴ. 77.- Շրջ. Վ. Մարմինը՝ արխիւը

կը յանձնէ նորընտիր Մարմնոյն: Մինչեւ որ նոր Մարմնի մը ընտրութիւնը տեղի չունենայ, Շրջ. Վ. Մարմինը իր գոյութիւնը կը պահէ եւ ընթացիկ գործերը կը վարէ:

ՅՕԴ. 79.- Շրջ. Վ. Մարմինը, ի ներկայութեան բոլոր Պատգամաւորներու՝ կը բանայ Պատգմ. Ժողովը եւ կը կատարէ պատգամաւորներու վկայագրերու նախնական քննութիւնը:

ՅՕԴ. 79.- Շրջ. Վ. Մարմինը եթէ առանց ո եւ է բանաւոր պատճառի թերանալ Պատգմ. Ժողով գումարել, Մասնաճիւղերը ազատ իրաւունք ունին, փոխադարձ համաձայնութեամբ եւ ձայների մեծամասնութեամբ, առանց հրաւերի սպասելու՝ դուրս գալու Պատգմ. Ժողովը, իր որոշեալ Թեղը:

ՅՕԴ. 80.- Շրջ. Վարիչ Մարմինը լուծուած կը համարուի:

Ա.- Երբ իր անգամներու թիւը երեքէն պակաս է.

Բ.- երբ Մասնաճիւղերու մեծամասնութիւնը կը պահանջէ Պատգմ. Ժողով գումարելով ընտրութիւն կատարել:

ԳՈՐԾԻՉՆԵՐ

ՅՕԴ. 81.- Ընկեր թէ Ընկերուհի գործիչներ, Ամբրիկայի Ս. Դ. Հնչակեան Շըր-

ջանի պրօպագանդիստ ընկերներն են, որոնք կընտրուին Շրջ. Վարիչ Մարմնոյ կողմէն:

ՅՕԴ. 82.- Գործիչները Շրջ. Վարիչ Մարմնէն կստանան իրենց յատկացուած թոշակը, որ համապատասխանելու է իրենց պարագաներուն եւ ընթացիկ շաբաթավճարներուն:

ՅՕԴ. 83.- Գործիչները իրաւունք չունին ո եւ է դրամական գանձում ընել Մասնաճիւղերէ եւ կամ ընկերներէ՝ յանուն «Երիտ. Հայաստան»-ի եւ կամ Ս. Դ. Հընչակեան Կուսակցութեան:

ՅՕԴ. 84.- Գործիչները իրաւունք չունին առանց Շրջ. Վարիչ Մարմնի գիտութեան եւ հաւանութեան, ո եւ է բանակցութիւն եւ կարգադրութիւն ընել Կուսակցութեան անունով Հայ եւ Օտար Կուսակցութեանց հետ:

ՅՕԴ. 85.- «Երիտասարդ Հայաստան»-ի բոլոր գոյքերը, Շրջ. Վարիչ Մարմնի արխիւները, գրքերը, տպագրական մեքենաները, տառերը եւայլն, բոլորն ալ, պէտք է մանրամասն թիւերով եւ իրենց արժէքներով ցուցակագրել առանձին տօմարի մը մէջ, որը ամէն Պատգմ. Ժողովի քննուելով, կստորագրուի ու կը յանձնուի նոր ընտիր Շրջանի Վարիչ Մարմնին:

ՅՕԴ. 86.— Շրջանակային ժողովները ամէն Մասնաճիւղի կատարեալ իրաւունքը ըլլալով, ո եւ է արգելքի ներքեւ պէտք չէ դրուի, որուն որոշումները սոսկ թելադրութիւններ կրնան ըլլալ Մասնաճիւղերուն:

ՅՕԴ. 87.— Շրջ. վարիչ Մարմինը ազատ է ամեն ատեն Սորհրդակցական Ժողով գումարել, հրատապ հարցերու շուրջ՝ կանչել իր մօտ շրջաններէն կարող ընկերներ եւ անոնց խորհուրդները ստանալ ու որոշումներուն ինքը պատասխանատու մընալ:

ՅԱԻԵԼՈՒԱԾ ՅՕԴՈՒԱԾՆԵՐ

Ա.— Շրջանի վարիչ Մարմինը, բացի Պատգմ. Ժողովի որոշումներէն, կրնայ անհրաժեշտ դորձեր կատարել, որոնք նախատեսուած չեն Պատգմ. Ժողովին մէջ. դորձելու է միաձայնութեամբ, պատասխանատու մնալով Պատգմ. Ժողովին:

Բ.— Շրջանի վարիչ Մարմինը կրնայ պատժել իր մէկ անգամը առանց այլեւայլի եւ հրաւիրել անոր յաջորդը, Մասնաճիւղերուն իրողութիւնը ներկայացնելով:

Դ.— Շրջանի վարիչ Մարմինը երկու ամիսը անգամ մը լիանգամ նիստով պէտք է վերատեսուիթիւնը ընէ դրամական դործառնութեանց եւ այդ մասին պահէ կատարեալ հսկողութիւն: Պատգմ. Ժողովին մէջ, վ.

Մարմինը պէտք է կարգայ հաշուետեսութեան նիստերու արձանագրութիւնները:

Դ.— Շրջանի վարիչ Մարմինը գնահատման քուէ կստանայ հետեւեալ պարագաներու ներքեւ.

1.— Երբ ուժեղացած է Կուսակցական տիւիբրիներ:

2.— Երբ զարգացուցած է ընկերներու դասակարգային գիտակցութիւնը, մասնաւոր ուղղութիւն տալով դործիչներու պրօպագանդին եւ հսկելով թերթին:

3.— Երբ Մասնաճիւղերու կազմակերպչական ընդհանուր դրութիւնը պահած է կանոնաւոր ու ներդաշնակ:

4.— Երբ հաշուական խնդիրները դուրս թողուցած է ամեն տեսակ կասկածներէ:

5.— Երբ Կուսակցութեան ելեւմուտը կանոնաւորած է եւ գանձը դատարկ ներկայացուցած չէ:

6.— Երբ յանցաւորները կրցած է օրինաւորապէս պատժել եւ Կուսակցական մեխանիզմը հեռու պահել անհատական քմահաճոյքներու ոտնձգութենէն:

7.— Երբ Կուսակցութեան բրիտտիժը բարձր պահած է Հայ Ժողովրդին եւ օտար Կուսակցութեանց առջեւ:

ՅՕԴ. 85.— Գործիչները երբեք իրաւունք չունին Մասնաճիւղերու անդամական թէ հրապարակային ժողովներու մէջ Կուսակցութեան ուղղութեանը անհամապատասխան արտայայտութիւններ ընել, այլ անոնք հաւատարմօրէն հետեւելու են թերթի ուղղութեան եւ Շրջ. Վարիչ Մարմնի հրահանգներուն:

ՅՕԴ. 86.— Գործիչներ պէտք չէ բնաւ ընկերական-կուսակցական չըջանալի պատկանող պատասխանատու կամ ոչ պատասխանատու ընկերներու մասին գովեստ կամ պարսաւանք ընեն Մասնաճիւղերու մէջ: Անոնք միմիայն լծուած ըլլալու են կուսակցական կազմակերպչական գործին եւ ընկերներու դասակարգային գիտակցութիւնը ուժեղացնելու աշխատանքին: Անհատ ընկերներ ուլքեր ալ որ ըլլան, հաւաքականութեան առջեւ պիտի նկատել հասարակ գործաւորներ, որոնց գործունէութեան մասին գովեստ կամ պարսաւանք կը տրուի Պատգ. Ժողովին մէջ:

ԵՐԻՏԱՍԱՐԴ ՀԱՅԱՍՏԱՆ

ՅՕԴ. 87.— «Երիտասարդ Հայաստան»ը Ս. Դ. Հնչ. Կուսակցութեան Ամերիկայի

Շրջանի սեպհականութիւնն է (ինչպէս նաեւ Խմբագրութեան գոյքերը եւ տպագրական բոլոր գործիքները), որ Միացեալ Նահանգաց մէջ ինֆօրմօրէյթըս եղած է՝ «Երիտասարդ Հայաստան հրատարակչական ընկերութիւն անուեով: «Երիտ. Հայաստան» հրատ. ընկերութեան ղեկավար Մարմինը, Շրջ. Վարիչ Մարմինն է, որ բացարձակ եւ իրաւասու Մարմինն է, որ Պատգ. Ժողովի իրեն տուած յանձնարարութեան համաձայն կրնայ վերաբերուիլ «Երիտասարդ Հայաստան»-ին իւր թական թէ բարոյական կազմածքին հետ:

ՅՕԴ. 88.— «Երիտասարդ Հայաստան»ի Խմբագիրը կը նշանակուի Պատգ. Ժողովէն Շրջ. Վարիչ Մարմնի իրաւասութեան եւ ֆոնթօրիքն ներքեւ:

ՅՕԴ. 89.— Շրջ. Վարիչ Մարմինը ուշի ուշով պիտի հսկէ Խմբագրի թերթին տուած ուղղութեան վրայ, զայն պահելու համար Պատգ. Ժողովի գծած ճամբուն մէջ:

ՅՕԴ. 90.— Խմբագրականներ չը պիտի ստորագրուին ու թերթին մէջ երեւցած ուղղաւ յօդուածաչարքերը պէտք է վերածուին պրօշիւրի կամ գրքի:

ՅՕԴ. 91.— «Երիտ. Հայաստան»ի պիւտճէն կը պատրաստուի բաժանորդագրութիւններով, հատաժաճառներով, ծանուցումներով եւ ընկերներու կամաւոր նուիրատու-

թիւներով, նաեւ տպագրական զանազան գործառնութեամբ:

ՅՕԴ. 92. — «Երիտ. Հայաստան»ը պիտի ունենայ իրեն ուրոյն ելեւմտական հաշուետոմարը, որ խիստ խնամով պէտք է պատ. րառտուած ըլլայ:

Մասնաճիւղ մը երբ պառակտուած է, կամ այլեւայլ խնդիրներու շուրջ բաժնուած է երկու մասի, կը զրկուի Պատ. Ժողովի մասնակցելու իրաւունքէն, երբ այդ մասին որոշ կարգադրութիւններ եղած չեն:

Խոշոր քաղաքներու մէջ նկատի ունենալով հաւաքման ու այլ դժուարութիւնները մի քանի Մասնաճիւղեր կրնան գոյութիւն ունենալ՝ Շրջ. Վարիչ Մարմնի վաւերացմամբ:

Պատգմ. Ժողովը կը բանայ Շրջ. Վարիչ Մարմնի ներկայացուցիչը, բայց երբ Շրջ. Վարիչ Մարմինը ինքն իր մէջ բաժնուած է մասերու, ան կը զրկուի այդ իրաւունքէն եւ Պատգմ. Ժողովին մէջ կը նստի դատապարտեալի աթոռին վրայ. Այդպիսի պահու մը տեղւոյն Մ-ճիւղի Ատենապետը քանի մը խօսք կըսէ ու պատգամաւորները կը հրաւիրէ ընտրել Ժողովի դիւանը, որը իր կարգին վկայականներու քննութիւնը կատարելէ վերջ՝ կսկսի իր աշխատանքին: Շրջ. Վ. Մարմինը իր գոյքերը ամբողջապէս կը յանձնէ Ժողովին, ինքը մնալով

սոսկական բացատրութիւններ տարու ղերին մէջ:

Ս. Դ. Հնչ. Կուսակցութեան բոլոր գործիչները կամ Խմբագիրը, անպայման Մասնաճիւղի մը պիտի պատկանին, վճարելով իրենց անդամավճարները:

Ներկայ Կանոնագիրը միաձայնութեամբ վաւերացուած է Ս. Դ. Հնչակեան Կուսակցութեան ՅՄԴ Պատգմ. Ժողովին կողմէ:

ՍՕՅԻԱԼ ԴԵՄՕԿՐԱՏ ՀՆՁԱԿԵԱՆ

ԿՈՒՍԱԿՑՈՒԹԵԱՆ

ԱՄԵՐԻԿԱՅԻ ՇՐՋԱՆԱԿ





